



海鹽澉水誌序

嘗謂六典不作無以考周家風土之厚薄民物之
耗豐圖籍不收無以知秦人山川之振塞戶口之
強弱此澉水之誌不可無也澉水斗大一隅厥土
斥鹵凡丘源之流峙稅賦之重輕道塗之遐邇聚
廬之衆寡與夫選舉名數先賢遺跡素乏圖經茫
無可考叔韶效官于茲甫及半禩正欲搜訪輿理
爲紀載吏事鞅掌未暇也竹牕常棠字召仲寓居
是鎮一日告余曰郡有嘉禾誌邑有武原誌其載
澉水之事則甚畧焉使不討論聞見綴緝成編則



何以示一鎮之指掌於是正訂稽考集作一經名曰澉水誌澉水者蓋水經所載谷水流出爲澉浦者是也召仲其容辭紹定三年重陽前一日修職郎監嘉興府海鹽縣澉浦鎮稅兼煙火公事羅叔韶序

紹定三年鎮尹羅儀甫屬余撰澉水誌雖一時編集大畧而儀甫滿去竟弗暇問逾七八政粵歲旣久訂正尤詳因日邊孫君來此聽訟優長遇事練熟雖鎮場廢壞非疇曩比然能公謹廉敏明燭隱幽才幹有餘超辦自足爰割已俸售募鐫行水軍表統制聞而喟然曰是書不刊于鎮稅全盛之前乃刊于鎮稅彫弊之後甚可嘉矣銳捐梓料肅贊其成噫元和郡縣誌丞相李吉甫所制也後三百餘年待制張公始刻于襄陽今余所編澉水誌後二十七禩權鎮孫君卽鏤于時阜則是書之遇知

音又不大可慶耶竹牕常棠書

常竹牕修海鹽澈水誌上 鹽邑志林第十五帙

鄭端胤

明黃岡樊維城彙編 後學姚士麟訂閱

劉祖鐘

總叙

按乾道文書令諸犯

聖祖名 廟諱 御名正字皆避若遇書籍及傳
錄舊事則爲字不成

地理門

沿革

澉浦舊屬會稽元和郡誌云禹貢揚州之地周時
吳泰伯置城爲越所并漢順帝永建四年陽羨令
周喜上書遂分浙江東爲會稽郡西爲吳郡輿地
廣記云秦置海鹽縣屬會稽郡吳越時分境于樛
李樛李今屬嘉興縣界以此考之澉浦乃古越地
石晉時吳越錢氏奏置秀州始隨分隸又水經云
東南有秦望山傍有谷水流爲澉浦秦望山在
會稽及鮑郎場十竈九在秀而一在越是知澉浦
古隸紹興而今隸嘉興

風俗

輿地廣記云古揚州地人性輕揚尚鬼好淫祀此
方不事田產無倉廩儲蓄好侈靡喜樓閣惟招接
海南諸貨販運浙西諸邦網羅海中諸物以養生
水鹹地濕俗僭

形勢

鎮南鎮西諸山峻秀東與北多低矮白山不種林
木東枕大海相望秦駐蹕山實爲嶮要

戶口

戶口約五千餘主戶少而客戶多往來不定口尤
難記

稅賦

隸縣之德政鄉田肥稅重惟石帆秦山二村在鎮東海邊多致陷沒

鎮名

唐開元五年張廷珪奏置

按水經云秦望山谷水流出為澈浦因名

鎮境

東西一十二里南北五里

武原誌云周四二里半紹興間人民稀少今煙

火阜繁生齒日眾故不止此

四至八到

東至海岸邊海界

西至六里堰近潮村界

南至篠山邊海界

北至官草蕩新浦橋界

東南到葛母山界

西南到鹽官靈泉鄉界

東北到秦駐山界

西北到鮑郎浦界

水陸路

水路西去海鹽縣四十里北去嘉興縣九十里陸

路東去海鹽縣三十六里南去鹽官縣八十里

山門

長墻山在鎮東三里高八十丈周圍十九里山之

阿有黃道祠山之下有造船塲山之巔立烽燧山

之外捍大海秦始皇東遊登山望海以其孤聳遙

望如堵墻因名 葫蘆山在鎮西南四里四望絕
在海中如葫蘆出沒之狀潮生潮退葫蘆自若

篠山在鎮東南六里 秦駐山在鎮東北一十五

里有始皇廟下有聚落有荒草蕩俗謂秦駐塢始

皇東遊曾住此山 沈氏山在鎮東北五里 半

潮山在鎮東北五里 青山在鎮東三里為鎮市

之主山下有屠瓌智墓 廟山在鎮西北三里地

名礪頭上有礪王土地廟 澤山在鎮西南五里

黃毛山在鎮西北四里 右十山不種林木官給亭戶養草煎鹽之所

菴山在鎮西北五里上有普明院及有朱令公廟

陸墓山在鎮西北五里因姓得名 石屋山在

鎮西北五里上有石壘成屋舊傳黃巢時民避兵

處 楊山在鎮西北六里 碧里山在鎮西北九

里 吳家山在鎮西四里 右六山不種林木百姓牧養牛羊處所先是亭

民百姓互爭柴山自五代至本朝有訟屢經御判人以石匣貯文以藏于地二百年初無定屬

每歲交鋒山上殺死不已淳熙十一年倉使石檢詳起宗委幹辦公事常于公暇採輿論參酌予奪

各分定界永為不易之論具奏上悅由是息爭 譚家嶺山在鎮西南十

里與臨安府鹽官縣黃灣交界上有譚仙廟 泊

櫓山在鎮西三里高冠諸山輿地誌云始皇渡海

泊櫓此山因名舊傳昔海舟泊此山下後沙漲接

鎮境 荆山在鎮西南五里佔永安湖之勝山有
悟空寺寺有五顯靈官廟其感應通靈 葛母山
在鎮南五里 橫山在鎮西三里柵橋上 颺山
在鎮西南五里永安湖側 月山在鎮西三里堰
下 竇家山在鎮西三里 鳳凰山在鎮西南二
里 吳家山在鎮西南三里 鷄籠山在鎮西南
五里 馬鞍山在鎮西北五里 金牛山在永安
湖西北 塘灣在鎮東市中捍海岸也後聚居其
上遂爲市井 碁子灣在鎮東長墻山外 羅漢
灣在鎮西泊櫓山側 慈竹灣在鎮南二里 細

柳灣在鎮西三里 竇家灣在鎮西竇家山上
張灣在鎮西南六里堰上 蔡灣在鎮西南孫家
堰南 南姚灣在鎮西北五里 北姚灣在鎮東
北五里 西陳灣在鎮西北黃毛山背 東陳灣
在鎮西北石屋山側 夏灣在鎮東北八里 陸
吳灣在鎮西北五里 橫山灣在泊櫓山前 徐
灣在柳家橋南 邵灣在六里堰下 張搭在鎮
市塘上古捍海櫓岸後民旅聚居其上爲市今俗
呼白塘上 陸搭在六里堰下 沈搭在鎮市南
鴉鵲墓在陸搭客船不上岸者多在于此泊舟

爲埠頭

水門

海在鎮東五里東達泉潮西通交廣南對會稽北接江陰許浦中有蘇州洋遠徹化外西南一潮至浙江名曰上潭自浙江一潮歸泊黃灣又一潮到鎮岸名曰下潭東北十二里名曰白塔潭可泊舟帆亦險要處雖在澉浦金山兩軍之間相去隔遠夜暮緩急卒難應援昔日朝廷欲立巡檢寨今澉浦水軍置舖于此招寶塘在鎮市中海濱高峻易涸易盈淳熙九年奉御筆命守臣趙善悉相

視重濬面濶三丈底濶二丈一尺深五丈市鎮止有此一運渠永安湖在鎮西南五里周圍二十里元以民田爲湖儲水灌溉均其稅於湖側田上稅雖重而田少旱四圍皆山中間少堤春時遊人競渡行樂號爲小西湖東浦在鎮東大海透入東北礪頭潮入汲煮鹽鮑郎浦在鎮西北十二里古老云昔鹽場開基于此有姓鮑者鑿浦煮鹽因名曰鮑郎者吳俗女夫之通稱也後沙漲移入東浦側紹興經界爲田是浦接連招寶塘爲河至今俗呼爲鮑郎浦又按南史孫恩作亂海鹽令鮑

陋遣子嗣之追奔陷没于此 放生池南渡以來
本鎮剏亭于海瀕收稅卽今之弦風亭也亭之東
鑿小湫每遇 聖節鎮官率合鎮見任寄居文武
兩班于此祝聖放生 艮澤黃道山下枕龍眼潭
泊舟處地勢高峻客旅居民無井可汲山之腰有
泉源先是廟僧善機用工浚鑿以濟汲用淳祐十
一年統制邢子政開廣立屋三間因扁斯名 六
里堰在鎮西六里高下相去數仞爲惠商激浦石
帆三村灌田隄防之所緣舟船往來實爲入鎮門
戶因置車索合屬本鎮提督 三里堰在鎮西三

里元無此堰淳祐九年六月大旱居民沿河私捺
小堰至水通諸堰悉復毀去獨此堰爲居民私置
車索邀求過往久爲定例然軍船之往來鹽場之
綱運酒庫之上下與夫稅務諸場之版解商旅搬
載海岸南貨別無他岐河流易涸實爲不便況此
方既有六里堰足以防閉水利此堰贅立委是爲
害淳祐十年茶院酒官朱南杰申縣開掘濟利一
方但提督諸堰實隸鎮官常宜覺察重捺邀求之
弊 孫家堰在鎮西南四里 沈家堰在鎮西南
半里 北湖堰在鎮西南蔡灣側 鎮閘在鎮市

中今隸鎮官司

解舍門

鎮解昔鹽場兼職嘉定十四年察院羅君相請分
專員紹定六年羅叔韶始買丁橋東民地以舩解
鮑郎鹽場解在通江橋側 巡檢解在安德橋

側

坊巷門

阜民坊在鎮前街西 張家街在鎮市北 張搭
街在鎮市南 義井巷在鎮市南 塘門街在鎮
市南 廣福坊在鎮前街東 馬官人街在鎮市

南 海鹽街在鎮市北

坊場門

澈浦稅場係鎮官兼職嘉定十四年朱俯修鹽場
得舊額有騎都尉監澈浦鎮稅兼鮑郎鹽場大觀
二年重修字朱俯以前却以鮑郎鹽場兼澈浦鎮
稅煙火公事繫街至是始分專員 鮑郎鹽場東
亭元立竈南亭四竈緣東亭人貧額重南亭人多
盤少嘉定十四年十二月申明倉臺移東亭一盤
過南亭添作五舍東亭減作四舍 戶部犒賞子
庫酒庫昔在璵城後遷茶院去鎮西一十二里紹

興初有鞠姓者抱倅聽緡錢繼屬漕司庫官兼之
因立子庫于市淳祐八年增剏新樓 市舶場在
鎮東海岸淳祐六年創市舶官十年置塲 抽解
竹木舊係監鎮提督抱納漕司竹木錢淳祐四年
漕使袁右司差專官下鎮抽解自後爲例鎮官無
預抽解抱納錢如故雇發 鐵布軍需塲鐵布舊
屬鎮稅淳祐九年浙西安撫司差官下鎮置局

軍寨門

水軍寨在鎮東海岸淳祐間撥許浦水軍百人於
長墻山下歲易一戍開禧丙寅統制王復古置寨

隸殿司

巡檢營在鎮市浦東

亭堂門

弦風亭在海岸卽鎮官收稅之地紹熙間監鎮葉
樾創名曰觀瀾寶殿 三年監鎮趙潛夫改今名

宣詔亭在鎮前端平 元年監鎮張思齊立 閱武

亭在長墻山上王復古立 時阜堂卽鎮解之東

廳監鎮傅朋壽扁斯名 秀野堂在鮑郎塲西側

美固堂在水軍寨 淳祐九年統制邢子政立

橋梁門

跨浦橋在鎮東浦上 新橋在鎮東五里 閘橋

在鎮市中 丁家橋在鎮解前 通江橋在鮑郎
塲前 鴻橋在鎮市北浦上 西石橋在鎮市西
犒賞子庫側過橋南為入永安湖路 鹽倉橋在
鎮西橋下水通礪頭 鹽倉舍 安得橋在巡檢解
側 柵橋在鎮西三里本鎮纂節發引收稅之處
望湖橋在鎮西南五里地至澈墅西通永安湖
東至海岸中分水脉至錢家港入鎮市 戴家橋
與望湖橋為八字橋 下南至東王村通海岸北通
孫家堰 新浦橋在 鎮北二里入縣路上 張公
橋在六里堰下本鎮 河水脉至此始分為二由
橋側上西南王家庄到茶園通港出橋下入西北
火燒涇到通玄通港然皆淺狹易涸欠浚鑿 金
家橋在鎮西北六里 客旅巨舟重販者多於此泊
入鎮貿易復歸解纜 孫老橋在六里堰下或遇
淺涸客貨多以步擔運於此發舟

學校門

鎮學昔時未有嘉定十一年鎮官徐之紀繪夫子
像就禪悅教院行舍菜禮自後歲節冬至于此序
拜鄉飲

寺廟門

禪悅教院在市中元

二年僧惠林建施水院建

炎元年請到院額實

今鎮祝聖行香處

悟空寺

在鎮西南荆山建隆

二年僧德升開山爲永安寺

治平元年賜額

祐福禪菴在鎮市浦東寶祐二

年僧永固開山建觀

首殿及塑菩薩像爲焚修所

接延雲水棲止安禪

廣慧禪院在金粟山下

國初錢武肅王賜號施茶院祥符元年改今額

永福教院在鎮市浦東乾道元年僧普澄建觀音

院爲焚修所後爲徑山接待院

普明院在鎮西

北五里若山周顯德六年僧實強立觀音院治平

元年得額

東岳行祠在鎮市東北建炎間有白

猿出入神馬驅馳毛巡檢夢神曰何不荆嶽祠毛

乃於營側立祠每歲暮春諸鄉民社祈求豐稔感

應如響

張帝廟在鎮南市嘉泰三年立紹定三

年重建後泊戶以廟門爲酒肆寶祐二年監鎮張

焯與茶院陶監酒拆去酒店立李太尉小殿對廟

門以免穢雜

真武祠在澈市浦東淳祐五年鎮

守澈浦鎮統領水軍南京指揮尚景捨貲塑真武

像并龍虎君

醫靈祠在鎮之東青山西南側王

家旤之西開熙三年里人孟毅夢神呼曰吾閩中

吳真君當食此方福祐斯民晨見海中有一神主
浮海至岸遂居于側毅因捨基荆殿尊奉後閩商
繪像傳塑俱祈療病者甚驗四方咸集遂成叢林
顯應侯廟元在長墻山後石帆村因海廢此村
半陷爲潮遷出山頭建炎三年僧若中開山俗呼
爲黃道大王寶慶三年都運諸大卿請到廟額黃
道大王不知何所從始或謂楚黃歇封于吳其子
隱海邊脩道石帆村旣廢爲海歲久因循無所考
究或謂古有姓黃人居山後山以人而得名故就
稱爲黃道山神以山而得名故就稱爲黃道王嘗

觀東坡載儋耳山云里人呼爲山胳膊僞稱其神
爲鎮海王元豐五年七月始詔封山之神曰廣德
靈王初無姓名來歷今里人俗呼爲黃道大王至
寶慶始勅封顯應侯陸龜蒙云甌粵由椒水濱多
廟貌信夫廟中有神曰楊太尉尤爲靈異凡客舟
渡海祈禱感應如響意其亦是石帆村聰明正直
之人遵海而南無不尊敬 廣福廟在鎮東市廣
福坊側舊傳建炎間潮入東浦人于水際得木主
題曰廣福明王時人因祠爲當界土地沈氏捨基
爲廟至今每歲以得木主日爲生慶誕 吳越王

廟在鎮西南三里地名澈墅崇寧間立爲土地祠
今考吳越國王傳錢俶字文明祖鏐唐末據吳越
地俶嗣位至我朝宋雍熙元年改封吳越國王
今澈墅吳越地也意錢俶其神乎若以爲吳王夫
差越王句踐考其本傳吳王闔廬興師伐越越擊
吳敗於檣李射傷闔廬垂死告其子夫差曰必毋
忘越及吳圍越于會稽句踐請爲臣妾後越破吳
吳退棲姑蘇使公孫雍肉袒膝行請成於越越王
曰吾置王甬東吳王曰臣老矣不能事君王遂自
殺夫差以父闔廬之寃未報可謂不共戴天之讐
九泉下恨不食其肉又甬共廟血食乎今俗訛而
爲吳越二大王兼塑二王像非也嘗觀武林圖經
論忠清廟事舊制以夫差爲首祀與申胥並列特
所未喻疑其神未必爲夫差乃俗之傳訛也今吳
越祠亦類此

古跡門

龍眼潭在鎮東海口舊傳白龍窟於此今客舟艤
泊以待潮石帆在靈潭右聳若帆掛有神現其
上潮生帆不爲減潮退帆不爲增月霽則吐蚌珠
陰晦則曜神火舟觸必碎人莫能涉白龍母塚

在鎮東南長墻山後叢棘中每歲秋間白龍來視
母塚必然風雨大作 隱馬石在鎮西南舊傳有
馬隱入山中今石有人形馬形隊形之類 穿山
洞在長墻山外下臨大海石巖如洞俗呼爲穿山
洞有神曰陳都監 黃巢衙在六里堰左夾道陰
翳古老云黃巢聚兵處 金牛洞在黃巢衙南金
牛山下據武原舊誌云民人臯伯通兄弟逐金牛
入洞忽不見因名 據郡誌與海昌圖經皆云臯蘇
二將上有二大王 廟高宗南渡後祭文云義氣同
稟剛毅莫儔胡馬 來此緣逐金牛牛沒尾掉空回

可羞拔劍自刎曾無怨尤人亡廟存英氣橫秋至
今父老能道所由天子初郊典禮加優樽酒旣設
清酌庶羞尚饗又據鹽官縣誌云按寰宇記昔吳
楚間有金牛自毘陵奔此而沒因名洞深不可測
當建炎初黃灣居氏多避虜于此 望夫石在永
安湖仰天塢之右 山巔有石磐磐側有立石昔日
有海商失期不返 其妻登磐望夫泣殞化而爲石
因名 石碑在六里堰西地名根竹有二石碑夾
道而立高一丈五尺舊傳漢戚姬墓碑歲久磨滅
茶磨山在黃巢衙側周回山下有港港外周回

有城塹舊傳唐末黃巢伏兵處 秦王石橋柱在
秦駐山背舊傳沿海有三十六條沙岸九塗十八
灘至黃盤山上岸去紹興三十六里風清月白叫
賣聲相聞始皇欲作橋渡海後海變洗蕩沙岸僅
存其一黃盤山邈在海中橋柱猶存淳祐十年猶
有於旁灘潮裏得古井及小石橋大樹根之類驗
井磚上字則知東晉時屯兵處 王家畹在長墻
山下石帆村古田畹也今田廢為海尚存數家生
聚於潮花鼓舞間
物產門

早稻名

雀輿

紅蓮

黃箭子

杷榶

烏絲糯

金州糯

百日子

金成

六十日子

雜穀

大麥

小麥

蕎麥

豆

油麻

稗

鶯粟

絲布

絹

綿

苧

麻

黃草

東坡志林卷之五 物產門

貨

鹽

花

芍藥 牡丹 茶蘼 木香 瑞香 紫筴

長春 水仙 薔薇 月丹 海棠 石榴

山茶 石竹 萱草 鳳仙 芙蓉 金沙

鷄冠 梔子 粉團 棠棣 玉簪 夜合

木樨 白鶴 佛手 雀梅 豐栗 金橙

荔枝 芭蕉 聚仙 梅 桃 眞珠珮

李 杏 葵 菊 蘭 荷

荇 茶 槿

果

桃 梅 李 杏 梨 柿

橘 柚 蓮 棗 枇杷 林檎

榴 栗 葡萄 銀杏

菜

蘿蔔 冬瓜 甜瓜 菠稜 萵苣 苦蕒

山菰 茄 菘 芥 蕘 葱

莧 蒿 葷 蕨 韭 蒜

鷄頭 芋頭 枸杞 胡蘿蔔

竹

笙

篴

紫

斑

筋

金

篴

木

松

桑

檜

栢

杉

柳

楮

椿

榆

棟

柘

楓

梧

桂

槐

檀

楊

朴

椒

楠

皂莢

烏柏

藥

菖蒲

連翹

茴香

韭子

杏仁

龍腦

槐花

半夏

枳實

瞿麥

紫蘇

荆芥

青蒿

良薑

牛膝

桑皮

赤小豆

車前子

枸杞子

香附子

天花粉

桑螵蛸

穀精草

麥門冬

黑牽牛

白殭蠶

香白芷

白茅根

密蒙花

紫蘇子

羊蹄根

淡竹葉

馬屁勃

海浮石

馬鞭草

白匾豆

地錦草

禽

鷹

鴈

鶴

鷗

鷺

鴉

鵲

鴿

鸞

雀

鳩

鷄

本草綱目卷之十一 木部 水部 水誌上

鷓鴣 鶻 雉 鶩 百舌 啄木

杜鵑 竹鷄 布穀 野鴨

畜

牛 羊 犬 馬 鶩 鴨

鷄 猪 猫 狗 驢 騾

海味

鮪 鮓 鱉 鮫 鱈 鱸

梅 蠣 鰕 鰻 蛤 鱈

鱗 鱈 煙 蜆 銀魚 鱈

拳螺 香螺 淡菜 帶魚 鮓 鱈 蚶

白蟹 黃鮓 土鐵 沙蟹 蚌蛤 老婆蟹

沙魚 海蜃 望潮魚

河味

鯽 鯉 鮎 鱖 銀 鱈

鮓 鱈 龜 蛙 鰕 蟹

黃頰 吐哺 白鱗 黑魚

常竹牕修海鹽澈水誌上終

鹽池志卷之十五 澈水誌上 五

常竹總修海鹽澈水誌下

鹽邑志林第十六帙

鄭端胤

明黃岡樊維城彙編

後學姚士麟訂閱

劉祖鐘

碑記門

澈浦鎮題名記

東南財用大抵資煮海之饒海濱斥鹵牢盆相望而關市有征未能去也自郡邑外每因大聚落而置官司或至於兼二則其責彌重來者難之澈浦為鎮隸秀之海鹽鮑郎在焉自鹽場兼鎮稅課額

日廣居官者救過不給宣城胡君應雲之來會疆事適殷已戍隨增兵民雜居其難視異時數倍迺從容其間庀事無闕經入有美于以補償舊政宿逋裕如也行且滿考部內穉耄相帥上其治狀于郡使者于臺于省欲借留之而不能得君淳熙丁未進士一第二十年憂患屏居及是始筮仕未嘗作滯淹之嘆而以平時講書者次第出之廉以律已勤以蒞官事不付之吏手薄征以惠行旅與亭戶期約不失信義宜其上下相孚彼此交舉如此然則爲政者豈不在人哉君受代有日詢訪昔之

官守者得一十九人列其姓氏而刻之石俾余書其端惟褚與君共登慈恩且居是邦因紀所見以告來者云君名從龍應雲其字也嘉定九年四月望日年末朝散郎宗正丞兼江淮創制置大使司叅謀官常褚記

陳南美

左文林郎紹興二十一年到任至二十五年滿

李格

左從政郎紹興二十五年到任至二十七年丁憂

林極

右文林郎紹興二十七年到任至三十年滿

袁藻

右迪功郎紹興三十年到任至三十一年罷

姚廷襄

左迪功郎紹興三十二年到任至乾道二年滿

沈大卿 左迪功郎乾道二年二月到任至五年六月滿

蔡興世 右修職郎乾道五年六月到任至八年八月滿

魏衡 右迪功郎乾道八年八月到任至淳熙二年六月替

林楠 迪功郎淳熙六年十月到任五年三月替

趙師名 迪功郎淳熙六年四月到任至九年

吳仁表 修職郎淳熙九年八月到任至十二年滿

高文慶 修職郎淳熙十一年八月到任至十五年滿

王子洪 從事郎淳熙十五年到任紹興二年八月替

葉越 文林郎紹興二年十二月到任至慶元元年二月滿

周焯 迪功郎慶元元年二月到任至七月丁憂

吳華國 承直郎慶元元年十二月到任至五年十月滿

王顯世 迪功郎慶元六年到任至嘉泰二年十月滿

曾晏 修職郎嘉泰二年十月到任至開禧元年四月滿

胡從龍 從事郎開禧元年四月到任至嘉定元年四月滿

詹駟 從職郎嘉定元年閏四月到任四年滿

劉三畏 迪功郎嘉定四年七月初三到任五年二月丁憂

葛挺之 迪功郎嘉定六年二月廿八到任九年滿

徐之紀 儒林郎嘉定九年四月十七到任十一年七月丁憂

賈岳 迪功郎嘉定十一年六月初九到任十四年十月滿

澈浦鎮新剝廨舍記

鎮治舊是兼職元在安定橋西嘉定十二年內朝
紳有請增置廡有定寓或假民廬或泊僧舍因循
歲月已數政矣四明羅文林叔韶司鎮于此紹定
壬辰始置民產于丁家橋東旁有小港開而通之
逼于垂滿僅建正廳穿堂而已癸巳孟夏思齊實
爲之代亦僦氓廬以居慨念親民之官司旅之職
聽訟征税觀瞻係焉曾未兩月亟廣前規鳩工度
財分毫不擾于民由是宣詔有亭戒石有銘榜示
有房俱列于外廊廡吏舍翼乎左右廳之夾屋分
爲二塾扁以肅賓倒屣闢廳側以爲帑外嚴公厨

恪奉錫宴添買鄰地以爲東廳四時花卉雜植于
前中闢一戶以通東廡循披廊而趨則有看街之
所由角門而入則有翫月之亭堂宇峻聳房室得
宜東西小閣寒暖隨處以至庖漏之類纖悉備具
申明前政郡守喜而給榜蠲其牙皂之資除其元
輸之賦自落成以來雨暘時若戶口日繁民與軍
而相安商與賈而共悅俱曰澈川當由此而益盛
矣若夫序沿革之詳細述建造之始末紀到滿之
月日自有大手筆在何幸拭目以觀之端平三年
上巳日儒林郎監嘉興府海鹽澈浦鎮稅煙火公

事張思齊記

澈浦鎮題名記

寶祐二年宣城胡君用虎調尚書署澈浦司舶楫里人常棠曰先君子昔領是鎮兼鮑郎鹽場先大夫採訪前任名氏目濡耳染經始記石茲輯舊記則在鹽場碑陰累政莫紀半途已是稅大闕脫詮次幸今鎮尹張君焯政通人和振華揚德勉續窳墜嗣文替銳吾輩責也棠曰惟嘉定初元先正視鎮事余先君考叙題名余叔祖實肇厥記十一年廷紳請分二共卽鎮解爲鹽場翻碑陰以誌歲月

鎮則或僦民廬或寓蕭寺玩愒簡陋紹定六禩四明羅叔韶始相基殖庭勤塗暨茨門廳賓堂鸞鵠停峙明年錢塘張思齊踵至外庭內廡撲斲丹牖東剗西闢歧翼寢奧微二君則爰處靡寧其所然齊爪戍代猶乏紀勒越歲十九今張君甫克勇遂先是胡君下車摩挲舊記僅二十四人會省帥漕列局廢置鎮征艱重事力築底欲勉茂請繼囁嚅久之張君聞而嘆曰余檢餘俸且不給伏臘瑣細遠取諸家必伺公帑以辨此無時而可爲矣迺指已售石攙摭未紀者十有二政前後附麗並鏤新

珉不肖幼稔胡君重建有幸今得相與繼志述事
張君賜也噫賢如張君使是鎮之財賦弗減疇

于光斯曜必有可觀豈止一題名而已是歲二

月朔竹牕常棠記并書

朱俊之 迪功郎嘉定十四年十月到任十五年

史濟 文林郎嘉定十六年四月到任寶慶二

趙潛夫 從事郎寶慶二年九月到任三年夏卒

張廣年 承直郎寶慶三年十月到任紹定三年

羅叔韶 修職郎紹定三年二月到任五年轉文

張思齊 儒林郎紹定六年四月到任至端平三

趙試夫 文林郎端平三年六月到任嘉熙二年

曾羣 文林郎嘉熙三年十一月到任三年月

傅明壽 儒林郎淳祐三年三月到任六年四月

朱嗣立 從事郎淳祐六年四月到任七年轉承

趙汝洄 從事郎淳祐九年四月到任十二年八

張焯 承直郎淳祐十二年八月十二到任寶

周之綱 從事郎寶祐四年十一月到任

趙孟若 迪功郎開慶元年十月廿二到任

胡沫 修職郎景定五年五月到任

徐行祖 承直郎咸淳三年四月廿九到任五年

李興宗

迪功郎咸淳六年八月二十到任

美固堂記

余領軍事越三載舟楫器械視昔具備一日暇登高望遠兩山橫倚巨海頻浸營壁中立若龜之伏焉門開三面如尾如足東首而猶垣之無迺形勢有未全乎詢諸宿老答曰陰陽所忌者卯風焉嘗闢復窳余應之曰此未識變通者也使盜墻仞而臺臺之上而屋則有形勢之備無卯風之嫌其不可乎哉衆皆曰然於是度材僦工築室構堂欄楯真景晨光濕翠夜影涵璧師休役簡當知與衆同樂其不在茲乎是堂也于以全此營之形勢而山海也又以壯此堂之形勢故以美固名者美哉山河之固昔武侯語也余是取焉落成之日淳祐庚戌六月癸未二十六日庚申浮光邢子政并書以記

黃道山水池記

漱浦之陽有山曰黃道山之腰腰之麓曠而平繞而曲潮汐所不及維天降澤掘地以積一勺之多可飲可汲負山而居航海而來咸所仰給淳祐十一年夏秋不雨均堂之上涔蹄之微潢潦無根溝

澮其涸居者行者罔不病渴總軍路鈐邢子政來
視曰是殆所積之未大也先是軍中有二池規模
淺陋路鈐浚之一軍賴以生活雖旱甚不竭於是
山僧善機合民旅之詞以請曰軍民一體也願推
流軍之惠以大此山之池可乎舶征潛放首贊其
決路鈐廼約同時之仕於此者監鎮趙汝涸舶門
朱南杰鹽場俞墳酒官李得基本官戴安節司警
張思湛登山度地鳩工飭材委統領袁發王之鑿
土築池濶四丈深二丈有奇壘挈提之道以達遠
三十丈架屋四楹以司啓閉以處守護者凡役皆
營壘生聚暨奔走先後者而剽犀搏蛟之徒則不
使之與焉凡費皆取辦於路鈐而官府司存市肆
貿易亦有助褚者經畫於秋之半落成於秋之杪
其容廣其蓄深其惠博路鈐用汲之功蓋將與此
山相爲無窮矣

思賢碑

寶慶二年秋黃巖空明山趙君潛夫來鎮澈浦明
年夏卒鎮人將仕郎趙與珣泣請曰吾不忍父老
之巷哭也哭之哀不如傳之遠也鎮月解昔多貸
諸賈今寧空其室人簪珥也佑客昔畏重欲逸外

江不可挽今恬熙輕平風帆雨楫輻集也訟有檄
自臺府者屢聽不服今片言笑折之咸服其神也
征權之地昔浮埃颺起眯目不能仰視今亭以弦
風短墻踈箔花柳間植燕賓友也釋奠鄉飲習於
梵宮進退揖遜雍雍濟濟又昔未聞而今見之也
非吾私其宗願子有述也顧余方駭慟重哀其不
幸而何忍述雖然又何可辭缺職商稅旦暮急也
而君寬以裕之俗販魚鹽錐刀較也而君風教以
厚之頑夫嚚婦鞭箠且不厭也而君兒女以遇之
持是爲縣爲郡爲國豈惟材稱哉余聞鎮旁浸巨

湖君嘗輕裘大帶蹇驢踏月或夜泛扁舟水靜天
碧扣舷把酒可以識君之趣矣蓋君高標遠韻迴
在物表嘗謂余善畫者莫我圖也舊嘗識於水心
葉先生章泉趙公蕃交以詩經薦趙公汝諧尤敬
愛之其蒞澈浦未數月也侍郎黃公宣以著述薦
提舉司馬公述以練達薦是將以有爲也而遽死
宜有以寫鎮人之哀思也因系以長言使歲時歌
以招君君其盍來乎君從事郎字景壽登嘉定十
六年進士第自號鶴所君之來兮鶴自九臯駕以
去兮渺天地而逍遙縞衣玄裳兮橫大海之驚濤

雲旂先驅兮霓旆旖旎月皓皓兮風灑灑青山之
上兮黃灣之下挹北斗兮椒漿羽扇綸巾兮佩璆
鏘盼而笑兮玉潔水光鳴鸞鳳兮舞龜鼉馮夷鼓
兮宓妃歌魚咏龍吟兮蛟螭護訶眈言歸兮南浦
颿飛兮過舶艣春復秋兮終古七月望日建安葛
紹體撰渭南高不華書

德政碑

國家張官置吏凡以理民惟州縣之長官於民爲
最親歷觀往史霸遂以守郡稱恭茂以宰邑顯鎮
之治狀無紀焉非無治狀也無若人耳繼自今以
治鎮得名者蓋自羅君始澈浦爲鎮人物繁阜不
啻漢一大縣紹定庚寅春羅君來領鎮事至之日
見吾土風淳厚思與三載相安下令曰民旅交關
必欲其兩平軍民雜處必欲其兩慎毋啟訟毋傷
和毋犯于有司丁寧數語開心見誠善始之意固
可逆覘其終矣君廉而勤公而明寬而不縱嚴而
不苛昔民訟苦繁今折以片言牒訴自簡也昔關
征苦重今輕以什一版賦自若也歲時行鄉飲禮
俱介雍雍長幼秩秩相觀相化俗躋鄴魯朝廷命
簡鄉兵用防海道他有司兒戲耳君出其胸中甲

兵大閱於長墻山之右士馬整肅旗幟精明儒有
頗牧疇不嘉歎民病厲遣吏勞問給藥散財更生
者幾千人早閉糴賑粟千斛損價售之濟糶食者
又幾千人鎮解自隸監場更一紀又四政餽民廬
棲梵宇不常厥居也始君下車欲新是圖顧未有
基址壬辰之冬始于丁家橋得楊氏地至是垂滿
矣君曰一日必葺古人有訓時哉不可失吾曷敢
惜費且憚勞哉先是丁家橋之下河流壅遏血脉
不通迺命疏鑿清泚洋洋庶民子來荷甬雲滂巨
三四里如璧斯環蜡月乙未廨舍落成門楣崇暈
廳事雄倨心匠默運不愆素繩真有造五鳳樓手
段越明年春率士民登鉅扁三字名筆鸞鳳飛翥
海邦民物觀瞻一新君經始規模可謂宏且遠豈
爲已計哉遺我鎮無窮之利耳至如建三廟之薨
尾如新橋之設楯鑿池而放生祝 聖人壽也立
坊而名廣福錫庶民富也凡此大槩索指不能數
無非學道中流出推是以往宰邑則恭茂守郡則
霸遂相天下則伊傅周召矣功名事業後必有史
官書之所紀者特其治鎮之狀耳君名叔韶字儀
甫四明人丁丑入胄子學庚辰取太常第至是再

調焉初受業於約齊李先生蓋東萊大愚之源委也樞尹表公韶憲使吳公淵倉使表公肅太守黃公壯猷俱以材學薦君行且造朝去如始至藹藹遺愛何日忘之他日入公之廨者必曰此廨迺今日其棠紹定六年二月望日楊啟書

鮑郎場題名記

權鹽之利後世不得已也不不得已而又爲之賦則臨蒞貴乎專經理在乎人鮑郎爲場列竈九歲課三萬五千六百石有奇而年督指買不與焉迺浸就弛弊言路上疏謂窘于兼二之冗庚辰

詔典銓注顯官毋與鎮稅事癸未又詔今後鎮官免以鹽場繫銜膺是選者僉爲難之蓋催煎之職雖舊而茲方更勑昔之官守之多而此爲初政更勑則責任有歸一額有虧諉以何咎初政則來者審擇百度骹折必就其良噫嘻難歟雪川朱君府中興勛相曾孫公謹廉勤得於家傳始服茲事顧眡規模蕩如也諗辭於民民勞而瘁詰故於吏吏惰而黠迺肅申約曰官不可虧虧官負課私不可損損私傷生回媮心而赴功宣上旨以布政由是劑量斥地之廣狹陞降戶額之輕重易置牢盆之

閑燔室塞鼠穴之滲泄廼飭藏宇廼穿運渠廼置
程籍凡一介蠹公害民之事悉就罷行至於復廨
請賦稍定輿皂郁然如方興之家甫碁而課增新
羨比及三年砥諸場爲冠可謂能其所難矣垣車
筴勲必有爲王誦之君旣請代屬余曰舊有題名
二十四人更十七載俶落紹興壬申訖于嘉定辛
巳中間胡君所立也今釐事方新請爲據其略而
改圖吁螭首龜趺巋然廳事豈徒姓字遷次云哉
於以識歲月紀治理夫經營疏浚爬羅剔抉則源
溪而流長扶持全護訓飭道齊則本固而未茂君
其有志于此歟余聞之一牛鳴近敢爲之記若呂
溫所謂不居其官民而代人記者則媚人余也何
媚之有嘉定十七年甲申仲春月朔朝奉郎新克
福建路轉運司主管文字李昌宗記

國學免廨進士常令孫書

朱

俯

迪功郎嘉定十四年三月到任十五年
六月特循從政郎十七年七月滿

史彌炳

迪功郎嘉定十七年四月到任準登極
恩授修職郎寶慶三年二月丁憂

應彌明

修職郎寶慶三年五月到任紹定三年
八月滿

薛師仁

紹定三年八月到任次年五月慶壽恩
循儒林郎

顧用卿

從政郎紹定六年十一月到任嘉熙元
年二月滿

周應旂

嘉熙元年三月到任二年准

辟錢糧

趙希槻

從事郎嘉熙三年十一月到任淳祐五年奉聖旨典岳祠

厲夢龍

迪功郎淳祐二年七月到任五年八月滿

施棟

從事郎淳祐五年八月到任六年十二月養親離任

詹元善

儒林郎淳祐七年四月到任總領浙西江東則賦淮東准滿

俞墳

王九齡

還朝序

周官三百六十而監人屬諸天官其任至專其責至重及考其所掌之政令而鄭司農迺謂受人教所置是也蓋受人處置一或失當則為瘵官曠職是豈容于不謹乎海鹽鮑郎鹽場歲入三萬五千六百石有奇曩歲監官兼領鎮稅事務繁夥賦課為難嘉定庚辰言路抗疏上俞其請始詔特置顯員吳興朱君不卑小官毅然發軔櫛挾日一定式程井井有條清夷不紊三載考績課額獨登會鎮有闕政暫煩其二且將幾年曾不以代庖而有遐心以文會友以禮鄉飲以道理剖曲直商旅阜通閭里安輯人皆曰所以幸吾邦者不淺余謂記止是乎亭民境壤與齊民接挺私怙強舊染成俗亭

民之謹畏者固不爲亭民之頡頏者不免也齊民之惡少者所樂從齊民之善良者不安也君其爬羅事功以興君其導齊人心以格亭民於是乎自愛齊民由是以自適又何其幸歟雖然此亦跡爾要以廉勤爲本以公恕爲守故君子觀其終而後爲不失君今還朝其能以條畫事悉力而開陳之則儒術之行天下自富豈特此時已哉姑叙槩以示終譽君名俯字伯昂中興宰相之聞孫也歲在甲申日丙戌黃寅序

秀野堂記

鮑郎鹽場鎮舊廨也廨西一臺扁曰秀野堂之外有青樹翠蔓淒神寒骨如英雋之排列者有龍蹲虎踞崑崙靈霽如珪璋之挺特者有方臺中址蟠回詰曲如前村後墅之通行者有馴毛集羽斜窺澹竚如甌哈越語之不羈者堂之內有騷人墨客獻瑰吐琦如壺鑑之清瑩者有牙籤玉軸裁綺純繡如河漢之美麗者有米老詭畫嵐溪煙嶠如夜竇秋色之曠逸者有蔡邕焦枯高山流水如叢篁聞佩之邃幽者堂之上遙岑寸壁石劍泉紳可夢而知中衡清淑之氣堂之下蒼苔依砌花影畫簾

可醉而思枕簟入林之僻雲卷空舒月桂霜蟾天
宇修眉斗牛璀璨時則三光五嶽之氣恍乎盈目
踈風暮雨格籟琴續隔墻籬呼樵牧倡應時則千
林萬壑之竅洋乎克耳然則秀野得名宜哉是名
之立嘉定癸未苕溪朱君俯始分專員扁之未幾
頽壁敗雷相繼摧毀越十五禩姑蘇周君應旂發
鉏退食慨曰吾寧捐俸起廢可其做例弗爲於是
鋤莠削蕪藝梅畚竹重楹列牖葢瓦級磚丹如也
堂成迺芊奧寢迺皮書宇靡鳩靡歛次第塗膜視
舊廨改觀矣雖然西峯秀野不遇魏侯家法名世
則籛舍其官府蕞爾亭民榛蕪莽沒於靈芝乎何
有今吾周君傳山房之芳拾世科之芥故能不日
之間而萬木向榮胸中丘壑當不在魏侯下肯使
秀野專美西峯嘉祐己亥夏五月望竹牕常棠記
永議郎新克兩浙路轉運司王常棣書

鮑郎場政績記

鮑郎催煎場舊共澈浦政事裕如也自分創以來
局冷如水廩稍不足以供事育庚子歲大歉亭民
相鬻肉自抹九竈不煙倖活無幾宿奸陸梁倒持
蓮勺撞搪傲睨來者當署涉筆噤不敢問催煎之

職至是難爲矣東陽厲君夢龍到官庭空阜走案
卷塵蕪野廢盤舍燧火燭熄上官朱黥紛來自立
不容頃於是喟然曰旱魃肆虐饑饉荐臻則鹽不
可催銜勒寬縱期會玩愒則鹽不可催賂門乘機
洗手未■則鹽不可催倚海築場刮壤聚土暴曦
釣鹹漏竅瀝滷三日而功成驟雨至則前功又廢
催鹽之職重難如此迺清苦檢飭奉公竭廉戴月
披星鋤獮狡蠹盡心力而爲之復鹽竈一所復鹽
丁四十餘戶復鹽額一萬六千八十七石有奇一
年而鹽場之課額美所謂才全而能鉅者也田疇
多俾耕且耨戶百有餘家飢者得君之食創亭中
路掘土甃砌草場六十二井渴者得君之漿官浦
不通六十餘年叅度高低疏浚約七百餘丈曝灰
者得君之水僦居者得君之地省臺剡薦獎諭疊
至將以上幕奏辟不曰有功于鹽場乎哉淳祐五
年七月溲人歌舞相告謂厲君歸矣政成不記何
以詔諸後竹牕常棠遂書以記

詩詠門

題金粟寺菴

通判軍府周壽

清池帶蒼巖結構俯林麓扶疎竹外山相向隔羅

穀老禪謝人境歲晚收白足誰聆楚然音息隱尚
爭逐通場作十劫不愧桑下宿定中觀潮汐絕事
心已熟

和前韻

知縣事徐嘉言

招提敞山巖新菴隱巖麓石沼引清流風漪皺文
穀晴暉滿虛室一水令自足菴前有
含暉亭心明身宴閑
境寂誰尋逐寒林帶月行夜榻和雲宿若欲問西
來一齋飽秋熟

三里塘摘梅

監鎮葉 懋

扶踈不耐繁華意足自然清絕壁間幻出橫斜只


欠紗窗明月

弦風亭

監鎮趙潛夫

惟他蟹舍蠓房地不是吟情住亦難數尺短墻圍
晝寂半鈎踈箔障春寒水生草滿蛙鳴今日薄花
陰鶴夢安底處青衫病司馬浩歌東望取琴彈

常竹牕修海鹽漱水誌下終



九十一

